



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ethices Christianae, Libri Tres

Daneau, Lambert

Genevæ, 1579

Cap. VII. Peroratio operis.

urn:nbn:de:hbz:466:1-41242



CAP. VII.

Peroratio operis.

PRUDENTIA quid sit sepius dictū est in toto hoc opere, itēque quid charitas, vt iterum definire nihil sit necesse. Si quis tamen plura de vtraque requirat, videat de Charitat. Thomam in 2. 2^a quęst. 25. 26. & sequent. De Prudentia verò quęst. 47. Vnum modò hīc addam. Discretionē Prudentiæ subseruire, quæ quanta sit virtus ex his Bernardi verbis Sermo. 49. Cantic. apparet, Discretio omni virtuti ordinem ponit. Ordo modum tribuit & decorem, etiam & perpetuitatem. Est ergo discretio non tam virtus, quàm quędam moderatrix & auriga affectuū, & morū doctrix. Tolle hanc, & virtus vitium erit, ipsaque affectio naturalis in perturbationem conuertetur, exterminiumque naturæ. Hæc Bernardus verissimé. Plura his addi potuerunt. Sed nos breuitati, quantum licuit, studuimus, & poterit quilibet per sese vel ex Patribus, vel ex Philosophorum, vel etiam Poetarum scriptis excerpere, quæ ad harum virtutum, vel vitiorū naturam, originem & effecta explicanda, & obseruanda pertinent. Itaque huic operi finem imponimus. Deum per vnigenitum Filium suum Dominum nostrum Iesum Christum precati, vt in his, non tanquam in cōtemplatiua & Theorica quadam Philosophia, sola virtutum cognitione contenti versetur: sed cū huius sciētiae finem

finem esse actionem antea demonstraerimus, ea, quæ hæ virtutes omnes præscribunt, toto animi conatu efficere, & toto vitæ curriculo præstare obnixè conemur, ac studeamus. Itaque quæ à tergo sunt obliti, ad ea, quæ in fronte restant, contendamus, & scopum versus, vt monet Paulus, feramur, ad palmam supernæ illius vocationis, quæ nobis gratuitò in Christo Iesu est promissa. Cui sit cum Patre & Spiritu sancto laus & gloria in æternum. Amen.

F I N I S.